

The Boss Racing Foundation ta informa:

Prome grupo di autonan for di Curaçao a mara den waf pa wordo transporta pa Aruba



STA. CRUZ -- Cu masha hopi asistencia di esnan di Gomez Enterprises, e coredornan di Curaçao a mara nan autonan den containers y tur cos ta indica cu nan lo yega Aruba diabierna awor mas tarda dialuna. Esaki mas cu claro ta adelanta tur cos den e schedule di trabaonan pa esnan di The Boss Racing Foundation. Mientras tanto tambe a haya confirmacion cu debi cu no a logra yega na un acuerdo pa algun auto di The Dodge Boys haya esapcio pa bay Curaçao, nan "Superstar" esta e auto CRX Contagious a dicidi di keda Aruba. Esaki mas

cu claro ta pone cu masha hopi hende lo yega Palo Marga pa mira si di berdad e auto aki ta marca 7.66 seconde un biaha mas pa asina reconfirma su mesun record. Kenny van Putten den su emocion a papia su mondje voorbij y a bisa algo di 7.40 seconde. Kico el'a purba bisa mucho no a compronde pasobra esaki a sosode den un happy hour somewhere ey banda. Mientras cu for di Weg Sero Blanco e "bieu" a bisa cu un biaha mas nan lo ta riba pista cu 3 dragster y un doorslammer, pero e biaha aki cos lo cambia pasobra tabata tin hopi tempo pa traha riba nan. Kleine broertje Dio Cado a laga sa cu si di berdad Mr. Big Joe ta grandi anto que hubo un heads up, pero pa "money" entre nan. Chicho Kock no a keda "happy" cu loke Cado a bisa den un programa na Top FM y sigur e por respecta e "bieu" pero e no tin miedo di dje

riba pista. For di Brasil a haya confirmacion cu dos dragster lo ta riba pista ya cu e dos artistanan kier caba nan roundsnan di IHRA y sigur ta anhele pa e premionan yega Aruba. For di Urutaka, Rigo Croeze kier recorda "Omo y sobrino" pa no lubida kico a pasa den The Boss Drag War y cu un Iron Man bo por order for di Ohio. Rigo Croeze berdad a causa un sorpresa grandi den e ultimo careda di The Boss Drag War y awor Rigo ya tin un "poco veneno" pa e Brasileronan di Aruba. Maiky lo ta cla cu su fork y steakknife pa celebra na final paso e ta e koki di Brazilian Flash. E crew di Brazilian Flash ta full cla y awor ta ken cu yega lo haya. Mau Werleman te cu ainda lo keda como oficial ya cu e Corvette no tin speranza di keda cla. Lucho a bisa bon cla cu si cos no ta cla Mau mester presenta na pia di trabao y e lo dune e trabao



cu Kenny tabata haci. Esaki ta significa cu por mira Mau como trackcleaner. Auwwggghht.

Micheal Croeze di Blackshadow ta cla, semper e tabata cla. Roselyne Rosel no por a gana Micheal. Hasta den streetlegal e "djaka di cania Micheal" a morde señorita Rosel y awor ta puntra si Rosel kier mas cori. E berdad ta si, cu mas bo perde contra Micheal mas leu bo ta bay den e point standing di IHRA. Zarraga ta un sorpresa total pa e caredanan den No Box ya cu su pick up ta "up and top". Un driver serio y cu no ta papia mucho. Tur loke e por bisa ta cu tur cos ta o.k. Papia ta un cos haci ta otro, segun Zarraga y el'a muestra caba con facil ta pa bira campeon den e categoria di No Box. Te cu awor

aki Zarraga ta na di dos lugar den e IHRA pointstanding pa loke ta trata coredornan local.

Pa loke ta Palo Marga mes por bisa cu tur cos ta cla. Lo prepara pista den oranan di atardi pa evita e volumen di salo cu ta afecta e area aki. Lo usa tur loke ta na alcance di The Boss pa e pista por ta den optima condicion. Juan Werleman a bisa bon cla pa no bin yora ora cu cos dal pega y bo no tin diferencial pa wanta presion. Casi sigur Juan a bay tira palabra pa hende, lubidando cu Mau mes a kibra cos den e ultimo careda. Juancho bay rustiggg. Mañan nos lo conta bo un tiki di loke Tuyo Maduro a laga su di Vik Werleman.